

1. Ministarstvo saobraćaja Kantona Sarajevo, sa sjedištem u Sarajevu, ulica Reisa Džemaludina Čauševića 1, koga zastupa ministar Adnan Šteta (u daljem tekstu: Naručilac)

i

2. „ZAMM media CONSULTING“ d.o.o. Sarajevo, sa sjedištem u Sarajevu, ulica Hasana Kikića 13, koga zastupa direktor Muamer Muftić (u daljem tekstu: Izvršilac)

Zaključuju slijedeći:

UGOVOR O NABAVCI USLUGA

Član 1.

Predmet ovog ugovora je nabavka usluga „Konsultantske usluge u provođenju postupaka javnih nabavki u 2019.godini“ za potrebe Ministarstva saobraćaja Kantona Sarajevo, za čiju nabavku je proveden postupak direktnog sporazuma, u skladu sa Odlukom o pokretanju postupka javne nabavke broj:04-14-30667/19 BT od 15.08.2019.godine, na osnovu čega je Izvršilac izabran da realizuje usluge koje su predmet ovog ugovora.

Član 2.

Vrijednost usluga iz člana 1. ovog ugovora je 5.920,00 KM (slovima: pethiljadadevetstotinadvadesetkonvertibilnihmaraka), bez uključenog PDV-a, odnosno 6.926,40 KM (slovima: šestiljadadevetstotinadvadesetšestičetrdesetkonvertibilnihmaraka), sa uključenim PDV-om.

Ugovorne strane su saglasne da su cijene iz stava (1) ovog člana fiksne i da se tokom realizacije ugovora neće mijenjati.

Član 3.

Rok za izvršenje usluga iz člana 1. ovog ugovora je do 31.12.2019.godine.

Član 4.

Naručilac je dužan odrediti osobu koja će u ime Naručioca sarađivati sa Izvršiocem i pružiti svu potrebnu pomoć Izvršiocu, u cilju što kvalitetnijeg izvršavanja ugovornih obaveza.

Član 5.

Izvršilac će, u okviru izvršenja ugovornih obaveza, Naručiocu pružiti konsultantske usluge savjetovanja i stručnog nadzora u provođenju postupaka javnih nabavki koje provodi Naručilac u toku 2019.godine, u cilju unapređenja efikasnosti u provođenju tih postupaka.

Izvršilac je dužan da u okviru najviših standarda struke izvrši sve povjerene poslove, u skladu sa zahtjevima Naručioca.

Član 6.

Naručilac se obavezuje da će u roku od 30 (trideset) dana od dana prijema fakture od Izvršioca, platiti izvršene usluge po cijeni iz člana 2. ovog ugovora.

Faktura iz prethodnog stava ovog člana ne smije sadržavati elemente koje ne sadržava ovaj ugovor i drugačije uslove.

Faktura mora sadržavati posebno iskazane cijene bez PDV, posebno iskazan PDV i posebno iskazan ukupan iznos.

Ugovorne strane su saglasne da se plaćanje vrši u konvertibilnim markama (KM), žiralno, uplatom na račun Izvršioca broj: 1410010010240746 otvoren kod BBI banke.

Član 7.

Naručilac i Izvršilac mogu raskinuti ugovor u slijedećim slučajevima:

- ako Izvršilac ne izvrši svoje ugovorne obaveze, a do ne izvršavanja nije došlo usljed više sile i ne postoji saglasnost Naručioca za odlaganje izvršenja bilo koje ugovorne obaveze od strane Izvršioca;
- ako Naručilac ne izvršava svoje ugovorne obaveze prema Izvršiocu;
- u svim drugim slučajevima kad druga strana krši odredbe ovog ugovora.

U slučaju raskida ugovora, ugovorne strane su dužne da se pismenim putem dogovore o izvršenju ugovornih obaveza do momenta raskida ugovora.

Ugovor se raskida u pisanoj formi.

Član 8.

Ugovorne strane su saglasne da Izvršilac neće zapošljavati odnosno angažovati fizička i pravna lica koja su učestvovala u provođenju postupka javne nabavke po osnovu čega je sačinjen ovaj ugovor ili bili angažovani od Komisije za nabavke prilikom dodjele ugovora.

Ograničenja iz stava 1. ovog člana, traju šest mjeseci od dana zaključivanja ugovora.

Član 9.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja, u suprotnom nadležan je sud u Sarajevu.

Za sve odnose i institute koji nisu utvrđeni ovim ugovorom, a proisteknu iz njegove realizacije, primjenjivat će se odgovarajuće odredbe Zakona o obligacionim odnosima.

Član 10.

Ugovor se smatra zaključenim kada ga potpišu obje ugovorne strane.

Ugovor je sačinjen u četiri (4) istovjetna primjerka, od kojih svaka ugovorna strana zadržava po dva (2) primjerka.

NARUČILAC:
Ministar
Adnan Šteta



IZVRŠILAC:
Direktor
Muamer Muftić



Broj:04-14-30667-3/19
Sarajevo, 23.08.2019. godine

Broj: 02-63/19
Sarajevo, 23.08.2019. godine

